

法政大学学術機関リポジトリ

HOSEI UNIVERSITY REPOSITORY

PDF issue: 2025-07-04

0035 (上諭兼管戸部事務)

偽幼天王洪福瑱供狀

我名字叫洪天貴福現年十六歲己酉年十月初九日卯時出世老天王是我父親於本年四月十九日昇天念四日衆人尊我登基叫做幼天王我有四個老婆現我不要到二十歲再要六月天京被官打破我同尊王劉慶漢潘王黃萬興忠王之弟楊王李明成武王蕭王發助王黃期

升養王吉虞元同帶一千幾百人在天京黑夜從壠口奔
此官兵在城牆上不曉是我們出來我們出有千餘人官
兵方知我們出乃叫殺長毛官兵追上山就追不到了我
一路來到廣德州千王卹王堵王偕王都在湖州昭王在
四安即日昭王來廣德見我千王卹王次日亦來見我堵
王祐王偕王未來出廣德後祐王偕王方見我堵王繼未

見我後堵王在甯國墩受傷昇天偕王譚體元因埋銀二
萬兩後變了百姓想挖銀子千王卹王尊王時在我前後
順王李春發是自己一人在南京逃出來一路做啞啞到
廣德州的有一天昭王同黃宗保花旗大隊從福建光澤
縣前來我們從烏石鎮一路前來後到橫村復合行至唐
坊官兵追到打了一仗後在楊家牌駐蹕夜時官兵來將

我們打散了是夜我一人單身走上山在山上飢餓四天
有一高人無鬚首戴高白帽穿白衣白靴送一大圓餅與
我食遂不飢我欲跟他去他交餅與我便不見了後我下
山走何家灣高田一路來石城我一人到這裡後有一人
帶我到這里老爺我先見初天王今是跟老爺的人我做
唐老爺弟弟我年輕到這里道理我些不曉望老爺大人

憐我年幼莫怪今蒙唐老爺待我甚好我就放心了老天
王名叫洪秀全此名是天安的本名是洪火秀天王是老
天王封為開朝精忠軍師我叫他為叔卹王我叫他為伯
我不曉是那縣人天王是那縣人我就是那縣人出廣德
是尊王帶路後偕王帶路偕王變了百姓後是花旗帶路
我們總是跟花旗走我在南京時官兵未破城我先夢闕

君入城在楊家牌駐蹕我亦先知爾們官兵夜會來攻我
先對干王他們說官兵今晚會來打仗他們說官兵不得
來後果來今到大人老爺這里萬望大人老爺待我到老
感恩於世世廩既我在楊家牌到一姓唐人家住幾天有
一剃頭老人同姓唐人剃頭我就叫他同我剃頭洪天貴
福自己親寫 頌唐家祠老爺詩一首老爺識見高世世

輔清曹文臣兼武將英雄盖世豪甲子九月二十七日洪

天貴福寫

太平 明明 玉

天下太平
天子萬年

天 皇上帝 督帶真王 幼主作主

國 赫赫 璽

福祿壽喜
萬方來同

皇太后

皇上聖鑒訓示謹

再廣東寧匪闖入閩疆臣督令各司道籌辦事務難以兼顧
科場事務片

奏請暫停聲明隨時察看情形仍請補行臣拜摺後探聞考官
殷兆鏞阿克丹已行至福州府屬古田縣境距省甚近臣冀

軍情稍為平定，或可舉行，以慰士心。曉諭應試士子，付近省城者，恐旅費為難，回里候示。一面照會考官，留駐驛館，稍為憇息，再定期北上。茲賊氛日熾，各路官軍，徵召未齊，斷難尅期歲事，仍咨考官折回。所有閩省甲子科鄉試，如軍務告竣，

籲懇

天恩於來年春間補行，屆時另行具奏

閩浙總督左 寄

福建巡撫徐

樹翁仁兄大人閣下。昨日由驛飛遞一書，一面檄飭黃提督由衢

州江山浦城一路入閩，然山徑崎嶇，不易速達。縱黃提督奉

檄急行，亦是緩不及急。今日面諭高提督於數日內，趕緊料

理，甯波接印，俟上海輪船到，即率所部三千五百人登舟

開先趕福建省城再趕漳州如賊尚在漳郡即趕漳郡督
剿計到閩須在此月中旬也高提督驍勇絕倫而人極朴厚寡
言慎動如儒者戰功丕著而懷抱殊常在武職中別成一格
到閩接晤時知鄙言不謬也此次賊入閩中颺忽特甚人數
自必不少汀漳龍土匪未淨逆氣一到從亂如歸殊為可慮
弟意浙軍若從江西入反將逆眾驅入腹地殊非善策擬三

伯須辦一千二三百名健夫以待其至如須由省垣起程前
進一到即可拔營不致耽擱所需軍器火藥亦宜廣為儲備
其軍中口糧在此已發一月輪船僱價亦由此開發手此再
請

大安又及

江西沈中丞來札

鳳池山長黃

蘄州姻十一丈大人閣下。昨晚得貫甫書。知閣事大棘。已照所請。飛咨鮑超春。馳援。並商懇劉典克蒼副帥矣。茲

尊札到。漳龍失守。與各探符。惟將樂失守。不知賊從何來。徐中丞信。亦謂邵屬有賊。查康王汪海洋。七月念二。一入閩境。旋出。

樟村由廣昌遁瑞金洪福瑱九月初旬入雲際關經光澤境
即出杉關此外並未見報張運蘭凱章舊部以斬餉潰散倉
悴湊集而來致此蹉跌可勝浩嘆粵之方軍亦失利嘉應大
埔俱陷幸方鎮存耳中丞請撥勁旅二千似未知賊數入江
之賊寔三十萬即使剿散過半亦必十餘萬豈二千師所能
敵者榕垣未遭大警此次必人心惶惶中丞萬不宜出省且

福建省南橋安民巷口

將提何兵以出姪疏請李帥移節入閩想中丞不疑其有他
意也省標之兵不足任戰然守城則能之似宜按營分段上
城搭棚支更則人數瞭如不致臨時缺額然必不可令其枵
腹從事日給鹽菜銀以安其身從前分廠招勇之法有損無
益似不必行宜力行保甲嚴查城門以絕奸細烟館妓館賭
場宜稽查而公館尤宜嚴查蓋近來佐貳武員殊多詭秘也

城墻之依草附木，必須芟盡，自屏山以上，馬道滑不可行，宜鑿之，濱城無大河，臨警必有數營，勁勇紮城外，以通接濟，城上之炮，宜按月演一次，驗其可用否，不可用者，切思去之，炮必有架，有輪，子湏一一較過，合腔者，編出字號，自水口至烏龍江一帶，湏有炮，必有架，有輪，子湏一一較過，合腔者，編出字號，自水口至烏龍江一帶，湏有炮船，分段布置，大江之中。

福建省福州府安民巷口

一船可抵一營，陸勇也，米穀硝磺第一要緊，湏為十萬人百日之備，宜催輪船，採辦臺穀，穀可久存也，土硝不足，宜採洋硝，兵力不足，斷不可浪戰，宜集團練守城，以待援師，縣城不能偏守，宜專力以衛府城，籌本地之費，濟本地之用，賊不得大城，不思久踞也，林文察密卿既赴漳州，康國器友之，似當赴龍岩，建邵目前，無足慮也，江西所獲偽首甚多，逐加研訊。

並無云賊願入閩者。洪福瑱之出湖州也。定計至撫建。會偽康王汪海洋。偽侍王李世賢二逆。趨湖北。集石達開陳玉成餘黨。襲荆襄。以窺長安。迨入江。而康侍二逆已西遁。不得不尋踪而西。至廣昌。康逆由瑞金出甯都。迎之。已間不容髮。精毅營疾馳五晝夜。追及之於楊家埠。紛然獸散。而康逆為靈營擊走武平。餘賊有數百入康逆隊中。有數百入甯化界。向

西以趨侍逆。舉莫知洪福瑱所在。故侍逆等復折而東。湖北髮逆亦迫黃梅。皆尋幻天王踪跡也。精毅營於江關界上。搜山數日。護從各偽王均就縛。而幻王消息渺然。念五日午時。忽於無意得之。蓋餓於荒谷者六日。為鄉民割黍者四日。輒轉道中者又兩日矣。本日已解到省。如漳州未失。羣逆知此信。無復妄想。必相率西歸。外縣各城。均非所措念。今名城被

踞難保該逆不從此生心矣。省城當無虞。前說乃萬有一然
之想。狂瞽之言。如備

採擇云爾。惟萬一省城有警。切囑城中人不可下鄉。城外人入城
者。必責成其帶糧。江西各府城。賊迫時。入城男婦恆十餘萬。
蓋飽嘗居鄉之害故也。鮑春霆劉克菴二師處。復准中丞咨
轉咨矣。敬請